捣藻堂四庫全

書薈

要要


集部

欽定四庫全書管要集部

詳校官助教臣謝登馬




继 灾 E 目 和 de della · 欽定四庫全書管要 渭南文集目録 卷三 卷二 卷一 南宫表践 渭南文集



老十一 清南文集	 	卷十 ————————————————————————————————————	啟	卷九	改	老八	啟
<u> </u>	:						

金欠 卷十五序 卷十四卷十二 啟 日鲜

- III	渭南文集	المراجع الما الما الما الما الما الما الما الم
		卷十九
		記
	THE THE THE PROPERTY AND PROPERTY.	卷十八
	And the same of th	巻十七
		碑
		卷十六
and the state of t		序
	Section of the latest owners o	




祝文	疏	卷二十四	疏	青詞	傳	卷二十三	記事
8月49 大生学				and the state of t	e su minimisti u mille tradicionality primitativa di materiality de la companie d		
<u>a</u>	Andreas and the second	mental construction and the construction of th	erande en en en entre de la company de la co	and defendant on the property of the second	er sterre erreiter e	THE REPORT OF THE PROPERTY OF	red-photography and the photography and the ph


敏定匹库全 · 数是文 卷二十八 卷二 卷 雜書

	长三十二	跋	卷三十一	跋	卷三十	跋.	卷二十九	跋
渭南文集								
<u>5</u>			The state of the s			recognition of the same and the		

鱼定匹库在言 卷三十四卷二十三 卷三十五 墓誌銘 卷三十六 基誌銘 目録



天彭	卷四十二	哀辭	祭文	卷四十	塔銘	卷四十	擴記	- 4 - 1 - 1 - 1 - 1
天彭牡丹譜	1					-		三星
			-				,	
21-5-4-1-1-1-1-1-1-1-1-1-1-1-1-1-1-1-1-1-	-							



卷四十九 **冬四十八** 卷四十六 詞 目鋲 定四庫全書 卷五十 訶 渭南伯故以為名第一卷至四十一卷皆 游有詩文二集文集為其子通所編游晚 制致仕為南渡詩人之冠事蹟具宋史本 務觀山陰人以養補登仕即官至華文問 臣等謹案渭南文集五十卷宋陸游探游 文第四十二卷為天彭壮丹語風俗記致 母文集 停 待 古 尌 語


此為清議所機其文不載於集中至明毛晉 輯逸豪乃從葉紹翁四朝聞見録中取以 入則通編集時始欲諱其父之為似道作 刑之敏乾隆四十三年正月恭校上 附

十卷此本多二十卷疑振孫偶郎五字為三

游晚年為韓作胃作関古泉南國二記以

至五十卷皆詩餘陳氏書録解題渭南集

四十三卷至四十八卷為入蜀記四十九卷



欽定四庫全書養要卷一萬五千四百四十一集部 德孫謀以熊翼子宗社修無疆之休誕敷錫於下民不 下宅心清靜受命溥將協氣熏為太平寒區街莫報之 均萬萬之職敢即昌期度申壽祝可恭惟太上皇帝陛 化國之日舒以長運放千齡之盛天子之父尊之至心 渭南文集卷一 天申節賀表 宋 陸游 撰

יבל היו טייםר קו קייוט |

渭南文集

靈承於上帝臣方馳使傅阻級朝班望與表於雲霄敢 恭惟皇帝陛下湯乎無名建其有極干戈載最恩加遠 有王者與爰改不平之運使聖人壽敢忘胥戴之誠 龍官益笈之文徒修故事 码之區图图一空治格成康之上斂時百福享國萬年 恨微蹤之遠被頌聲於金石尚希簿技之陳 臣迹滞遐陬心馳魏闕紀丘渚電樞之慶莫風諸儒演 會慶節賀表

壽之時獨阻陪於籍笏兹膚郡寄復在王畿目瞻佳氣 盛典莲轉逾二十年之久每注想於冕旅高呼上千 端肇關嶽貢交修即臣早以湖海之微生親見唐虞 帝陛下煥乎其有堯文粲然而與問道三朝圖籍將)鬱葱耳聽雕聲之洋溢水言疎賤已極光荣恭惟皇 生商而立子有開必先民戴舜以同心無遠弗届乾 河温洛之都萬里車書已軼碣石榆林之壤以仁政

定四庫全書一

傾 東漸西被偉聲教之混同上際下蟠極仁思之渗漉 流電繞適當聖作之辰整計萬呼共效壽祺之祝 可陳尚刻齊天之石 丹 猥以分符其建造闕簫的方奏徒傾就日之心 均被淪肌浹髓之賜光御無疆之歷益培有永之 瑞 悃 慶節質表 仰 扣春聰 質恭惟皇帝陛下德當乾符躬 有 敢

廣華夷之德澤以豐年奉郊廟之姓牧凡日含齒

龜食器從考廟方嚴於典冊仗全樂備都人成覿於禮 肖祖宗稽周王小宏之求躬虞帝終身之慕父傳歸子 容聖教茂的雕聲旁達即恭惟皇帝陛下道参穹壤徳 有完盛舉於兩朝天定勝人果見太平於今日乃咨元 生逢千載任歷四朝藏貢川珍猥預駁奔之末為飛魚 帝生商而立子民戴舜以同心歷考前開孰逾盛際臣 躍永依洪造之中 光宗冊實質表

欽定四庫全書 一

潤南文集

恭惟皇帝陛下體天廣覆如日正中率禮無違永歎歲 肅傳清蹕端御昕朝徳上際而下蟠澤東漸而西被中 等夷罕及既莫預曲臺之議又阻從屬車之塵徒有烟 蟠厚臣在列親龍飛之旦紬書奏麟趾之篇際遇特殊 月遷流之速響明而治勉會臣民愛戴之心誠太史涓 形於夢想 皇帝御正殿賀表

老大臣之參訂魚采議郎博士之討論勒崇垂鴻極高

勢真安興情間悍質恭惟皇帝陛下若稽古訓駁惠先 之音 飲壽考億年誕曆不蔽之福本支萬世坐摊無疆之休 古之辰采奉常縣施之議對揚宗社之福爰舉公卿之 飲定四庫全書 明治建儲水為宗社之本正衙發策顯倉神祗之心國 雖其望人龍黼黻之盛黃塵備設尚想聞金石絲竹 兩曜清明四方於舞臣農疇益達帝所夢選華衮光 皇太子受册賀表 渭南文集

農尾屢豐協氣方流於縣宇合官大享曠儀遂舉於中 昭知子之明臣跡遠周行心馳魏闕命太史十日之吉 徒聞播告之傳遣上公持節以行莫預觀瞻之盛備未 解於聖代尚自力於聲詩 存心養性以事天修身齊家而治國迨舉有邦之慶益 賀明堂表

長至之祠一舉上辛之典惟兹宗祀實在季秋既得萬

天驛置星馳嵩呼雷動伏以聖神在御祈報問行肆嚴

國之職心宜罄一精之嘉為明恭惟皇帝陛下範圍 協穹祗春回海縣神恭惟皇帝陛下道繩祖武政酌民 心緊明廷考漢家汶上之圖嗟莫陪於潤色繼周頌我 化斧藻太平采皇祐之舊章茂建平和之極稽紹與之 将之作尚自力於形容 明堂總章舉曠儀於路寢鉤陳羽衛敷大號於端開 定四庫全書 制用適古今之宜上帝顧散殊休叢委臣官原遐 明堂赦表 渭南文集

宣布仁思發揚孝治觀人心之鼓舞知天意之協從 衆愆統和天人空虚图图臣適乗使傳遠在退版奉五 道老吾老以及人一日三朝雖極寧親之大養四方萬 百里之驛書徒深養朴上千萬年之聖壽莫級是題 一尚憂庶微之亡辜內廣惠心旁流需澤雨露所被图 惟皇帝陛下躬舜禹之資履曾閔之行損又損 放表 而至

言乾文仰法於房心聲稱鉅典解澤黙符於雷雨

當 兼倫制化被堪與念王業之籍難每急農桑之務察 春秋以王而次春丕顯體元之妙閏月定時而成歲適 之萬歲幸祖昌期陳泰階之六符不勝大願 之天然受命禱祈實勞方寸之地 こ之仁爱无深水旱之憂誠意既孚嘉生並應呼當高 **圓一空臣適以守藩恭聞字號雖與民欣戴如瞻咫** 頌歷之辰治象一新歡聲四溢謝恭惟皇帝陛下道 謝賜悉日表

欽定四庫全書 一

皇帝陛下凝圖不赫受命溥將齊七政於瑤璣昭示太 天下臣偶切收養獲與布宣職思其憂勸課誓殫於綿 平之泉調四時之玉燭用待來歲之宜爰物有司以幸 力年運而往功名更感於初心 心方當重熙累治之盛時宜謹體元居正之大典恭惟 知樂神臣聞堯授人時實前民用漢得天統克協帝 班新歷雖舉舜章地近清都獨先下拜恩光旁燭小

當宁歎息人才之實難顧一時豪傑號名而未至首蒙 造難名餘生曷報中伏念臣么然薄命起自窮問偶 薄旋困沉綿卒緊全度之思伴獲退藏之分侵尋半世 成造在廷南逐朝宗之願奉使有指處切臨遣之祭上 引對面錫殊科遭逢稀澗之知聳動過退之聽豈期蹇 元祐之黨家獲與紹興之朝士真人有作景運方開適 福建到任謝表

轉從兩川三為別乘之行再恭專城之寄五十之年已

渭南文集

定日事全書

参差惟譴點之是宜豈超遷之敢望此益伏遇皇帝陛 外臺之高選臣謹當力思守道深戒康官禮樂遠有光 下道魚偷制澤被堪與念臣留落有年尚未除於在態 恩趣名靡待一人之言改命遣行猶備四方之使丹 既大踰於素望靖共好是正直庶少當於鴻私 臣馳驅無地空竊抱於愚忠顧雖未路之孤蹤猶 江西到任谢表

非復壮心八千之路來歸忆如昨夢敷陳淺拙應對

還界使禮凡日自結於上知皆俾無蹈於後害海嶽之 積弊廣收題傑之遺才施及妄庸亦蒙省録南停追記 **此蓋伏遇皇帝陛下立賢無方用人唯己一洗拘攣之** 承於唇獎然而異恩賜第弗由場屋之選論持古造廷 出公卿之論薦已分亟投於閒散豈期重累於生成 至過矣見稱於流事轉而上間頃入對於無朝實親 銀之餘暇妄窺述作之淵源累然自力於簡編老之

欽定四庫全書 一

表欲飲雪涕先傾鄉伏念臣真資迁愚立身羇貌偶

纖塵墜露何所用之父母之爱幼子童孫蔑以加此 檢玉之文未敢遠同堯民擊壤之作到肝自訴伏 誠而永數方天子建中和之極用告成功雖文史 祝之間亦思自效尚憑長育不遂棄拍所願預草 蜉蜡子之助熟為輪围蟠木之容愴餘日之安歸 辭疾痛饑寒仰而呼天誓靡求於世俗齊戒沐浴 入境感懼填膺重念臣撲學守株孤身吊影素多

穿延和之細仗面只尺天佩新定之左符秩二千石切 嚴州到任謝表

身後況如臣輩莫望昔人猥緣一技之早當級百條之 塵過分感懼交懷神臣聞明主思深書生命薄唐帝之 末雖籍笏久違於昕謁刀姓名猶在於淵東乘傳來歸 知李白一官不及於生前漢皇之念相如遺稿徒求於

奉召還之旨懷章欲上巫蒙趣對之榮親降玉音

社有民之寄憩常陰而聽訟期無墜於家聲及瓜戊而 清光以臣成被化於明時憐臣未廢書於晚歲將激却 其素志故潤略於往愆臣敢不戴使愚使過之恩念有 遣守臣之未有兹盖伏遇皇帝陛下唇誤冠古英斷如 神肆筆成書千載獨高於聖學刺經作制諸儒絕企於 歸尚少酬於君賜 除實謨閣待制謝表

陪衆馬以登瀛已輕薄陋扈六飛而上难遠践高華恩

特寬尸素之重誅不待汗青而加賞兹蓋伏遇皇帝改 重命輕感深涕實神伏念臣材非異禀家本至寒蒼雅 仕止為質適遇四朝之盛際老循不死逐為六聖之遺 遺書守先臣之孤學莊縣奇作誦諸老之舊聞竊慕隱 下道無倫制學備誠明體穹穹厚厚之仁齊湯湯強 民豈期垂盡之時更被非常之遇置之儒館命以信書 居求志之風尤恥謹世取名之事年運而往道阻且長 >治風行雷動號令靡隔於幽遐魚躍為飛人材不遺

欽定四庫全書 一八

渭南文集

聽賞之既行欲牢辭而弗敢始終恭幸俯仰兢慙神伏 桑麻終祈洪造 念臣身出窮閻家承孤學披肺肝而自力雖有素懷賜 信史奏篇獲紀兩朝之盛恩書馳驛躐瞬四品之宗方 心銘德澤入預甘泉之筆素儻效微勞歸尋杜曲之 轉太中大夫謝表

骸骨以歸休已更累歲昨被出輪之命起參載筆之遊

於疏賤雖耄期之已迫尚覆育之愈深臣敢不口誦

訓

纂圖於列聖無疆惟休永懷弓劔之藏每切羹牆之慕 蓋棺之日敢忘結草之酬 詩書之業久已寂寥讀元豐文獻之言至於感泣雖泊 陛下奉先思孝守位日仁夙受命於皇天克肖其德使 素之當誅成本因人乃以汗青而受寵兹蓋伏遇皇帝 爰求遺老俾誦舊聞而臣猥以耄期恭承訓勉憶大父

飲定四庫全書 一

装一

强眠昏廢忘之餘均筆削討論之責食常忘事但憂尸

盛際初無一日之微勞白首光陰躁冠登藏之選青雲 帝陛下仁参化育道極範圍繼栗繼內以養賢才祝飯 步武亟陪上雅之班屬預奏於信書逐祈歸於故里奉 犬馬之情神伏念臣家本窮問世承孤學雖遇十齡之 恩俯念於耄年延賞特頒於申命伏讀絲綸之語曷勝 捐異數增賣哀門顧令么微複被榮耀兹盖伏遇皇 雖供竊食靡安茲将貢於枕辭好恭承於俞旨至於

持索甘泉已竊逢辰之幸挂冠神武又切歸老之祭加

輕鴻造下愧公言謝伏念臣本出故家初無他技每自 親之禄素風未墜豈無報國之期 世類知勘而臣抱病狀第絕望關廷賤息何能亦忝及 人生存無幾越拘攣於令甲聳觀聽於薦紳簡編有去 祝噎以禮者養思貞元之朝士寤寐不忘念山陰之去 叨榮罪大念舊恩深僅錦筆豪之華循保桑榆之景仰 於遠官宣有意於虚名命之多難動報為累强起僅 落職謝表

定四庫全書 一

渭南文集

餘於數月退歸又閱於六年齒豁頭童心勒形察叫問 請命業恩久許其乞骸飾中待終視世已同於逆旅敢 謂寬平之邦憲尚令斯盡於里居比蓋伏遇皇帝陛下 仕遇中與荷三宗之識故雖名薄責益示殊私臣敢 生常談莫殺仰戴丘山之意 精大就惠養遺老念臣生當全盛被六聖之涵濡 逆曦授首稱賀表 訓詞痛懲宿負尸居餘魚水無再瞻軒陛之期

為之恩實自聖神之造恭惟皇帝陛下徳配天地功光 東扼瞿唐之險罪不勝於擢髮誅寧貸於闔門肆推 如改元無憚受封割地已北通獯鬻之庭置戍李符欲 非常雖舉族糜捐而曷報豈圖小聽自取參夷僭服自 אנו הו ובשל לנו מינה ו 將奮身而守衛念功無已分間相承仰累朝寵數之 臣伏以高皇有作王室中興方小醜窺蜀以憑陵賴 渭南文集

若神明之速成功無唇刻之淹気浸溢清頌聲洋溢

無私覆實均父母之仁邦有大刑爰下風雷之令英

秋防之警臣身歸南陌名寓西清馳驛四傳徒快鯨說 行萬里已大震於我心遥知羣聽宵道之餘無復並 之戮造朝旅賀莫趨鶴鷺之班 不忘九世之深讐蠢兹雖卵之微自投鼎鍍之地人情 祖宗覽圖籍而動容每念兩京之未復奉廟桃而實涕 穀旦於清臺蓍龜充協奉鴻稱於考廟典冊有嚴爱 慎天討逐加強臨以賜諸侯雖特寬於漢法頭顧 光宗冊實質太皇太后牋

聖治書新爰正路朝之御邦儀不舉實際內助之功盛 修列聖之治功備述先武改迪一人之達孝舉時大典 累朝閱天下義理之深體坤元光大之盛密扶唇斷 典告成函生胥慶恭惟皇后殿下道隆任奴化治邦家 之賀班宫闕岩堯徒寄區區之夢境 國成規臣斂迹還東馳心拱北紳矮雜選送瞻濟 皇帝御正殿賀皇后牋

Auto In water to love

渭南文集

襲重闡騷騰函寓恭惟太皇太后殿下道同先后德著

方當宁之朝羣臣惟聖時克宜中意之介萬壽與天同 辰聽九實之爐傳莫陪扑舞望五雲之官關徒極傾輸 休內騰六寢之離外副萬方之望臣久違近者獲遇昌 邦家有光華裔同慶恭惟皇太子殿下道隆孝友性 誠明以大學為家傳一洗俗儒章句之陋以家赞為 **蹕肅九賓之儀方臨當宁實觞奉萬壽之祝允屬儲** 皇帝御正殿賀皇太子牋

子職員獨寝門櫛縱之恭相此多儀實先百辟某人嬰

潤徒極傾馳 沉疾已迫頹齡想廣殿之崇嚴草陪擔翼占前星之明 皇太子受册賀皇后牋

壹 政憂勤協赞上聖登三之治母慈顧復遂開東官明 兩之祥汗簡光華函生鼓舞恭惟皇后殿下道光圖史 被官闡嗣先后之微音體柔祇之厚載妈內之降

女允謂盛時周臣之止九人實資內助迨此建儲之命

益知價極之尊臣自去通班久安故里顏齡耄矣於陪

欽定四庫全書

卷一卷集

執玉之趨鉅典煩然不勝拭目之喜 勢重於九鼎職聲達於四方恭惟皇太子殿下東德淳 考古初實為創見某成切四品垂及九龄為國老農算 稽於古訓躬守累朝仁恕之訓日侍兩官時移之顏思 明宅心虚静英姿達識事洞照於幾先强記博聞言必 父慈子孝集大慶於我家日吉時良發正衙之顯冊國 賀皇太子受冊牋

莲濟濟鴻鸞之列逢時盛典尚懷區區大馬之心

叛臣干紀敢前負固之心容詔行誅不待崇朝之久慶 逆曦授首賀太皇太后牋

聖念功之意每示優隆度故臣誓報之心豈有窮已蠢 東巡之始實强鄰南牧之秋爰有縣雄服勞疆圉惟 關宗社喜溢官庭臣伏以参井之墟古今重地方高帝 微孽亦有異恩入居宿衛之聯出任師干之寄天所

全遺族實出上恩恭惟太皇太后殿下坤厚資生母儀

者順乃懷恃逆之圖人不食其餘自投殲夷之證尚

欽定四庫全書

葬預堯封之祝 屏窮閱猶切近侍用三有宅放逢湯德之寬於萬斯年 故誅其弩而無赦廣及物之澤故宥其徒而弗疑臣久 逆臣負固上贻正宁之憂容的行誅不侍靈旗之指勲 逆曦授首賀皇后殷

燕翼每道先朝之家法助成聖主之性仁慰在天之靈


巨測輒干那憲之嚴妖禽自取於覆巢靡草獨枯於長

高古昔喜溢官庭伏以分間專征本何世臣之舊野心

據之烈 夏尚加殺貸曲示涵容故雖同產之親止用徒鄉之典 身修家齊國治實由內助之功天時地利人和行親外 聳中外之觀聽增竹帛之光華臣久己歸耕莫陪入質 昏之奉焦心中壹每分宵旰之勞及此成功允為大震 恭惟皇后殿下道光為內德配坤元侍膳慈聞克謹是

門南欠集

ナ



宁初臨積陰頓解於赫明離之象益昭出震之符臣等不 欽定四庫全書管要卷一萬五千四百四十二集部 飛龍在天方仰君臨之德流丘繞渚實開聖作之祥宜 致養三官備本朝之家法參決萬務得率土之民心正 紀昌辰用彰盛際恭惟皇帝陛下承該丕顯受命溥 渭南文集卷二 丞相率文武百僚請建重明節表 / I shule the team 渭南大集 宋 陸 游 撰

圖稽帝文伸臣民歸美之報著之令甲副在有司邦家 紀千秋之名雖由唐舊元長春之請則在宋興況今非 之或違比罄忧辭願標令節未回聰聽曷慰羣情伏 受命若帝之初宜邦桑之悉舉盛德如天之覆豈人欲 光天下幸甚 ·情亟頒俞吉施尊名建顯號侈實是發祥之期披皇 勝大願請以九月四日為重明節伏望皇帝陛下你家

未講盛旦鬱而弗彰謙雖益光禮則未稱伏望皇帝陛 望 下茂昭鉅典亟發德音漢殿尊禁親奉玉巵之壽周行 典不可以久籍衆心不可以屢佛敢控喁鳴之請再干 淵聴未回確爾執謙之意忱解屢叩歉然歸美之誠奏 獨循累代之成規蓋亦以此侈重華之大慶顯號歌而 飲定四庫全書 人 蹈各陳金鑑之書豈惟光簡冊之傳實以副天下之 **医二**文集

允俞之命 各揚其職必期得請轉敢自安伏望皇帝陛下聖度魚 容增益之隨時當渚虹樞電之辰受岳貢川珍之集乃 同常日夫豈人情令者博士議郎固執於廷秩宗奉常 詳惟大德得其名故因誕彌而紀節雖先王未之有亦 大明委照帝辭三祝足昭挹損之懷臣同一心終重 立皇后丞相率文武百僚稱賀壽皇表

·穆之光竊以民之戴君自古有訓禮之飾治後世九

行縣字雕動羣心對恭惟至尊壽皇聖帝陛下盛德日 於德音謂初政算先於內治茂建壹則所以垂萬世之 北宫移仗方瞻與子之明中禁正名復奉齊家之訓化 飲定四庫全書 | 典常大明人倫所以移四方之風俗臣等獲盛朝者親 謀於翼之法乃者獨觀道妙將就係頤猶崇朝親發 唇其發冊昕廷共仰光華之典稱筋廣殿益深打舞 聖圖天廣雖名嗣守躬創業垂統之轉不憚憂勤示

寶運紹開椒塗首建典冊以時而告具蓍龜協吉而弗 賀皇帝表

之盛時壹範增光上配姜任如之至德別惟內助始自 這慶集官庭惟傳海宇中伏以聖人有作追参堯舜禹

位號買出壽聖之訓謨玉音誕數汗簡登載求於前世 初潛稽女史彤管之言廣周南國睢之化兹正中宫之

邀矣未聞顧家國之祭懷宜神祗之安樂恭惟皇帝陛

下仁參養具德被黔黎水惟大學齊家之端先誠其意

載之厚臣等身逢華旦目覿彌文熊至祀襟行慶則百 聖子問安方極關防之養神孫正內聲新椒拔之華母 男之祐雞鳴問寢敢祝於萬年之休)彌尊人情溢喜質恭惟皇太后殿下抱神以靜誠心 通出一家父子之親任如徽音仍見三朝婦姑之法 淵德修蛸蛸護漢之中化行眼喻磅礴之外唐虞盛 賀皇太后牋

原春秋謹始之義以御于邦故當天臨之初務先坤

盛德繼承爰本親傳之妙中官崇建式光就養之尊慶 |方且享宗社奠安之福視本支蕃行之祥於古有光與 道合洪躬老氏之儉慈享周家之福禄密贊乾剛之斷 集禁庭職傳海宇申恭惟壽成皇后殿下婦功筋備母 神器有歸助成離照之明天心允會惟每思於静順故 欽定四庫全書 之紋養以天下蓝觀孝治之隆 天無極臣等幸逢熙運獲級清班至哉坤元實首舞倫 賀壽成皇后殷

知壽祉之無窮 始皇家輔佐積勤實自龍潛之日休祥有行早符能夢 誕受不基方正宁疑旒之始協修陰教舉路朝發,州之 倫 逢熙運獲相多儀坤順承天喜微音之克嗣孫又有 敵日以舒長簡冊遊其有光風俗為之不變臣等 厚載有光產情咸悦中恭惟皇后殿下慶鍾熟閱道 極於安榮家雜魚絲服之紆榆翟煥玉巵之奉貴無 賀皇后牋 子

臣等預聞鉅典實激歡悰法地所以法天仰戴坤儀之 寶運紹開方謹人時之授寵光下逮便均春服之成 祭 之占壽皇所以親發於德音聖主所以深資於內助副 至德事母同之事父曷勝鰲林之微誠 飲定四庫全書 被替納數勝拜舞神恭惟皇帝陛下凝圖不赫撫運重 三租稅所儲靡事一已之奉寒暑有賜式厚羣臣之思 奉三殿之養大練受六官之朝震耀簡編感移風俗 文武百家謝春衣表

文集

所以恤其澣濯之私蓋将責其忠嘉之報雖舊章之是 誠個仰祝壽數皇帝陛下恭願宜君宜王時萬時億泰 舉實初政之當先臣等獲綴班縣恭承錫子去女工之 乾端澄肅時爰及於抄秋 離照光明運方隆於中夏敢輸 蠹已觀府庫之充遺天下之衣願廣乾坤之施 元增漢帝之策配天其体洪範錫神禹之疇與民同福 重明節明慶寺丞相率百僚故建道場疏 卷二文集

欽定四庫全書

照臨之德皇帝陛下恭願政數有截壽格無疆天地人 供既周於月律彈誠爰集於廷紳冀憑薰被之勤仰報 肅霜協令方觀萬實之成統電告祥實契千數之會的 大易明两作離允符繼照之盛太極函三為一链摊無 之三才共扶與運堯舜禹之一道水比函生

題之休壽何侍於禱祠運自臻於熙治恭演仙真之私

億萬年之永命諸福之物莫不畢至豈止百千所之上聞 古實輸臣子之至情皇帝陛下恭願化冒羣倫治借處古奉 有開必先天地肇與於景運無遠弗届華夷畢效於貢 親備天下之養履位處域中之尊至誠之道可以前知方卜 古昔化治點黎端居無黃屋之心既髙揖遜萬蔡致絲 琛况在周行敢精毒祝至尊壽皇聖帝陛下伏願道起 會慶節明慶寺丞相率百僚故建道場疏

飲定四庫全書

卷清南文集

衣之養彌極尊帶 天為奉物之祖可謂極尊壽居五福之先實歸上聖脱 嘉祥之自至顧歸美之敢稽至尊壽皇聖帝陛下伏願 電標筆紀適逢震風之期月琯告周济聲延鴻之禱雖 尊碎表長臨於黼泉 福等河沙壽瑜如石克仁舜孝治功水煩於青編天大佛 满散 進疏

之祥 霜露既降者盖冬始衰之文法制具存舉九月授衣之 歲而為春水享舒長之景上百年而過歷茂隆貽熊 至尊壽皇聖帝陛下伏願誕膺哉穀端拱穆清以八十 展親傳於大寶頤神方御於殊庭敢率羣倫恭培唇草 仁渗漉及是月也初有祁寒之虞念無衣兮俾膺好賜 今追越禮異拜舞光華神恭惟皇帝陛下大度并包至 文武百僚謝冬衣表

יצי און סייםן קי קיים יושן

渭南文集

誓圖忠報 雲錫予都萬里農桑之業共樂時平誦羣臣幣帛之詩· 錫羨無疆丕顯生商之旦成功不處適當命禹之時熙 之厚疏恩榮於在列斥府庫之餘藏臣等誤荷選論獲 際斯為盛超然揖遜之風積勤致王業之成端拱視天 運親逢羣情胥慶即恭惟至尊壽皇聖帝陛下仁涵動 道配堪與詩書所稱何有加卓爾規模之大唐虞之 會慶節丞相率文武百僚賀壽皇表

古有大椿八千秋異點符於曆算 竟無黃屋之心薰然慈孝之魚隆九矣古今之莫及方 棋亞歲聲新羣心胥院 質恭惟至尊壽皇聖帝陛下道 民之年宣特極高而婚厚固己勒崇而垂鴻臣等誤宜 欽定四庫全書 一 無倫制化極範 **國剛長而亨周測土圭之景功成則**退 化國之日舒以長一陽初復天子之父尊之至萬毒維 行久陶聖化蓬菜隔弱水三萬里獲進謁於殊庭上 及相率文武百僚賀至尊壽皇聖帝冬至表

集邦家職騰海萬中恭惟皇帝陛下仁同乾覆道協時 時是為嘉會星拱辰而在列同罄丹誠 華夷光昭竹帛臣等幸逢盛際獲造昕廷斗建子以定 且內享視膳問安之大養外騰重熙累治之頌聲風動 之日以授時黃鍾合律萬斯年而介福亦伏膺符慶 丞相率文武百僚賀皇帝冬至表

乗旦復旦以重光邦圖有永新又新而不倦帝德難名

點觀造化之機自得財成之妙清心省事成歸根反本

威顏和氣先回豈待良灰之應豐年已兆敢陳雲物之 之功任賢去称體進陽消陰之象臣等幸逢熙運獲彌 慰率土之懷伏望皇帝陛下俯察枕解仰稽故典欲聞 逾年改元 聖主方受惟新之命償未舉釣天之奏何以 控微表上干淵聽伏以中月而禪壽皇已循不易之規 祖廟寧神歲海更於燧人禮經有制時當備於衛記敢 3 丞相率文武百僚請皇帝聽樂表

武定四庫全書 成佳氣一新雕聲四益質恭惟壽聖皇太后殿下聰明 茂昭庶政之惟和孰謂太平之無象奏萬年之觞於廣 致慈聞之請笙鏞以問而人神喜琴瑟在御而心體安 唇智壽富康寧賤履囏難佐萬廟廓清之烈遵行恭儉 獻成發春太史奏元龜之古展家錯事東朝慶大典之 殿及此首春撞千石之鐘於大庭震於四海 五聲八音六律以復朝廷之常親即三公九卿諸侯共 丞相率文武百僚賀皇太后受冊牋

官壺塗椒德配重華之盛冊書鏤玉禮行路寢之以成聖 萬方黎獻咸拜手而領閣休載稽前開可謂盡美臣等 今猶之視昔前知竹帛之傳 故壽皇治燕之圖肆因初元祇奉顯州運家與魚之古 偶叨在列獲際升平有子而又有孫共仰本支之盛視 陳鐘磬之和內而百官有司方屏息而觀盛事外 丞相率文武百僚賀壽成皇后受冊版

孝益隆興情交慶軍恭惟壽成皇后殿下儉慈性京子

簡牘繼生民思齊之作尚播聲詩 奉於母儀今者稽參六籍之文博盡諸儒之議建此顯 之盡臣等偶緣在列獲遂逢時紀始的強山之與幸窥 嚴聲新彌文告備邦家之喜夷夏所同即代以乾舜禹 重處有光仰東朝之慈爱雙親並奉松北內之尊禁正 號邁於前聞仰惟貴無敵而當無偷是謂仁之至而義 躬行至哉坤元象服早光於內治養以天下寢門方 丞相率文武百僚上皇帝賀三殿受刑表

欽定四庫全書

然登降跪拜於路朝實竊逢辰之幸 高年而厚風俗新又新而進徳老吾老以及人臣等 大義曆寶運之傳講禮威盛容伸天下之後太史灼龜 五之冊時舉金石充庭既已隆孝道而通神明固於 之相承盖非一 而獻兆曲臺縣絕而具儀黃麾之仗夙陳籍紳在列白 選輪獲塵班著雖潤色討論於大典每慙稽古之球 ·擬的代恭惟皇帝陛下奄有萬寓統和三靈由至公 姓姜任奴之善繼又不同時参稽前聞 胃南艾夫

道妙混成太極著两儀之本天端更始三朝受萬國之 定匹庫全書 | 丞相率文武百僚賀壽皇正旦表

鉑

統接漢緒誕受不不之基以海宇之富而蹈巢由高世 稽古清明在躬握乾符闡坤珍難名湯湯之徳系唐 慶集有邦數騰率土師恭惟至尊壽皇聖帝陛下濟

堯 授舜舜授禹方瞻繼照之明正次王王次春茂舉履 衮恪趨於小次更知紫養之尊 丞相率文武百僚賀皇帝正旦表

端之慶乾坤開闢日月光華即恭惟皇帝陛下徳上

且


仁


撫重熙之景運內有可封之俗外無不聽之我方

蟠化東漸而西被改元定號稽列聖之舊章發政

殊於遐邇受圖高拱於穆清治功卓然海內幸甚臣

諸儒之議以制朝儀陳九奏之音以為親壽颁







校對官編修臣總校官進士臣

相謙

生

臣范

欽定四庫全書營要得南文集卷至

詳校官助教臣謝登馬



欽定四庫全書管要卷一萬五千四百四十三集部 故事撫定中原不食土地不利租賦除相度於唐都海四一 都裂土封建大者為王帶節度鎮撫大使賜玉帶金魚塗金 置關依函谷關外應有據以北州郡歸命者即其所得州 渭南文集卷三 起今來特博大信明大義於天下依周漢諸侯及唐潘 一 舜母省為詩至都堂與 渭南文集 府 宋 陸 游 撰

此七品以下聽便宜碎除土地所出並許截留充賞給軍兵 各以長子為節度鎮撫留後世世襲封永無窮已餘子弟聽 禄養官吏等用更不上供每歲正旦一朝三年大禮一 歙 其國置國相一員委本國選擇保奏當降真命餘官准 充部內防围刺史亦令久任将佐比類金人官制升等換 仍各賜鐵券旌節門戟從物元係蕃中姓名者仍賜姓名 印其次為郡王帶節度鎮撫使賜笏頭金帶金魚塗金銅 如有故聽遣留後或國相代行天申會慶節止遣國官 定四庫全書 助

,養金寶並就賜本國仍永不置監司師臣及監軍等官 官吏侍祠每遇朝貢當議厚給茶綠香樂等充回賜 行更不奏案合行軍法者自從軍法四京各用近畿大 示撫存遇一國有警急諸國选相救援如開斥生地 員將命應刑獄生殺並委本國照紹與初令參酌施 , 無充留守朝廷惟於春季遣使朝陵餘時止用本 會之來時不可失各宜勇决以稱朝廷開納之意 議定各遣子弟一人入覲當特賜燕勞畢即時遣回

Ē

As Also W

渭南文集

臣代聞天聖以前選用人才多取北人寇準持之尤力 論選用西北士大夫劉子

南方士大夫沉抑者多仁宗皇帝照知其弊公聽並觀

於楚祭襄起於関杜行起於會稽余靖起於嶺南皆 收博采無南北之異於是范仲淹起於吴歐陽修 時名臣號稱聖宋得人之盛及紹聖崇寧問取南

更多而北方士大夫復有沉抑之歎陳瓘獨見其弊昌

言也臣伏都方今雖中原未復然往者衣冠南渡蓋亦 庶上遵仁祖用人之法下慰遗民思舊之心其於國家 衆矣其問宣無抱才街蘊器識者而班列之間此人 臣等恭祖陛下特發英斷進討京東以為恢復故疆牽 次 将有賴伏惟留神省察取進止 -趙魏齊魯秦晉之遺才以漸試用拔其尤者而任 ,甚非示天下以廣之道也欲望聖慈命大臣近臣各 代乞分兵取山東割子

欽

定四庫全書一

渭南文集

偏 有 如 至可不 難 師 倦 西 11 傳 出 倦之愚不敢隱黙者竊見傳聞之言多謂 陝之謀臣等獲侍清光親奉齊旨不勝於於然亦 火 不復 敵人尚 而宿 境 勞 獨不知侵襲兩淮荆襄以牽制京東和為 百城自下不世之功何患不成萬一未至 能 師 而 敢 取若審 於外守備先虚我猶知出兵京東以 保京東加之苛虐 旅柜遗民未能自拔則 如此說 則吊伐之兵本不 相 承民不堪命王 我 師 雖 敵 泉 在 兵 師 功 团

至 此 ?計莫若戒敕宣撫司以大兵及舟師十分之九 固守 計 此臣所以夙夜憂懼寢不能與而為陛下力陳其 撫定之後兩淮受敵處少然後漸次那大兵前進 紦 進有闢國拓土之功退無勞師失備之患實天 律之将使之更出选入以奇制勝俟徐鄆宋毫等 在畿甸一城被攻尺地陷沒則朝廷之憂復如去 也蓋京東去彼都萬里彼雖不能守未害其疆 控 扼要害為不可動之計以十分之一遊選聽勇 渭南文集 79 兩

灾

足四車全書 一見

囊而付一人或一有得失悔其可及哉此言雖小可 進止 某 伏見大理寺奏止界蒙城縣官邢珪罪狀竊縁有司 大計實任其責伏惟陛下照其愚忠臣等不勝幸甚取 喻大願陛下留神察馬臣等誤蒙聖慈待罪樞筦攻守 不肯以多貨付之其意以為山行海宿要不可保若 上二府論事劉子五年六 ルス 傾

也且富家巨室未嘗不欲利也然其徒欲買于遠者率

身 何 既 1議據其侵犯邊城殺害義旅雖置極典未足當罪 者有司謹守律令朝廷當斷以大義故也按 有官守一旦危急力雖不及猶能死守雖情於逆 涿易非祖宗涵養之人仕於鄰界非國家禄使之吏 已具奏則當有特旨恐與有司之議不可同日而 知 命以示中國禮義實非小補又應議者以謂張失 勘天下之為人臣者奏陳之際價為一言貸 其草 革面然春秋之義天下之善一也若逐誅之恐 邢珪 順 訊

钦

定四庫全書一人

渭南文集

臣 動 恭惟陛下天縱聖智生知文武御極之初內出大號 則 陪招安之後伏乞釣察 賊 某謂不然張安國中國人又當受旗榜招安見利 加惠於海內甚渥猶以為未足也乃八月戊子實 殺耿京反覆奸猾罪惡明白興珪寶為不類煎 殿割子三首任 犯在未被大赦為滌之前張安國所犯在已受 月午!

國

殺

取京事與此略同恐放寬貸之路無以慰歸附之

恤之今繼下至誠惧但纖悉備具歡放之聲達於遠 條或日當真典憲或日當議根治或日當議顯教可 習漫不加省一旦國家有急陛下語令戒敢之語 謂盛矣然今既累月不知有司皆以推而致之民乎 者陛下初即大位乃信詔令以示人之時前日 猶未也是不免為空文而已無乃不可乎又有大 切至赫然非常之英斷也若復為官吏將 帥 數 將 tn

Ξ

Э

100

ALIO I

渭南文集

此而欲使人指肝腦

以衛社稷乎周官冢宰以正

正今之正月也自十一月至正月若未甚久而申敕告 月之吉始和布治於邦國都鄙垂象之法徇以木鐸曰 以為意臣竊惑之欲望聖慈以所下數十條者申 法者國有常刑正月周正今之十一月也正歲 以刑辟已如此其嚴今命下累月而 使恪意奉行母或失墜仍命諫官御史及外臺之 加考覈取其尤洱格者與衆棄之不惟聖澤速 有司或恬 夏

究亦使文武小大之臣眷然知記令之不可慢如

實聖政之所當先也伏惟留神省察取進止 臣

制宜有不得不然者臣竊觀太祖太宗之世法度典章 無载委之弊君臣上下如家人父子論說徑直誠意洞 聞夏尚忠商尚質周尚文三者选用非以為異因時 大簡易律令可以禁奸無滋彰之忠文移可以應務

欽

定四

車全書 |

渭南文集

議論至於今可考也太平既久日超於文放而不還

所詳者大所略者小事易舉功易成其氣象風俗

去支離之害簡禮容刑律令規模措置盖欲悉除繁文 復從祖宗之質而後己有司奉承未能盡如本指此陛 其舊兩省復通為一以革适滞之風寺監幾省其半以 書判增至數倍居官者窮日之力實不暇給猾吏 乗院以逞其始也所詳者小所略者大其極也并 不復能詳則一切鹵茶聽吏之所為而已太上皇帝 興大業當宁數息思有以救之於是漸加訂正以還

末流愈遠浮虚失實華藻害道雖號為粲然備具而文

則 欽 力 昔 臣所 定 之基自此立矣元祐中司馬光請改三省職事 使小大之臣成有餘力以察奸去蠹修舉其職則太 日中書之制蘇翰亦請收昔日三司之權悉歸户部 超於廣大簡易之域繁碎重複無益實事者一皆省 四 何如爾干冒天聽供深戰慄取進止 其屬因今六曹寺監百執事所掌講求宗祖舊制 庫 謂因今所掌以求祖宗舊制誠不為難顧陛下 全 一書 渭南文集 卷三

下今日所當力行不可緩也臣愚欲望聖慈明語輔

宗畏天愛民子孫皆當取法惟仁宗在位最久德澤 要之書獨傳實以為大訓元祐中學士范祖禹亦曰祖 文王之典漢自高帝創業其後嗣亦多賢君然史臣 曰漢言文景美矣至武帝之功烈猶以不遵文景之恭 竊 為根唐三百年一祖三宗皆號盛世而太宗貞觀 孫者宜皆取法馬然而獨曰儀刑文王又曰儀式刑 觀問自后稷公劉以來積德深遠上世長久為之 獨

事 矣陛下紹體 是以於萬斯年無 日見年穀屢豐四裔率服慶歷皇祐之盛復見於 政事法度一以仁祖為法臣將見陛下福禄 英進讀之臣日以實訓反覆數釋以究微意仍命 祖禹之言天下之至言也迨我太上皇帝 結於天下誠能專法仁宗則成康之隆不 下記專法仁祖之政且竊聞燕開惟考觀仁 聖緒正當師太上專法仁祖之意申 疆惟休亦享仁 祖垂拱之福可 八難致也 躬 履辯)1] 祖 至治 謂

欽

定四庫全書

渭南文集

者哉臣 臣 觀 小您之詩見成王孜 不勝 殿 劄子 至願 伏惟聖慈留 內 土 禪午 逐准 狡 不備 求助 果輪 由神省察 對 會 特在初載意其臨 **派班進止**

退方絕壤皆當梯

航而至矣況中原故地其有不復

之久閱義理之多則當黙識 及考之書然後知其不然舜伐三苗年九十有三開 獨斷 雖無待 於奉 臣

言則退 無一毫自用之意武

而敷文德舞干羽

受貢奏年九十有一名公作訓累數百言武王納

b

伯

可

長何者舉吏部之籍措納之士幾人其得見君父者幾 皆陛下四十年教養所成況於小儒賤士見聞淺陋曾 固宜風夜彈思竭誠以幸干載之遇雖其問有論事梗 何足以仰清光備顧問哉然其所陳則未必無尺寸之 人白首州縣而不得一望關門者多矣則凡進見之 墳歷武諸戴身濟大業更事閱理多矣自公卿大臣

巴日華公島

渭南文集

其君也伏以陛下生知之聖度越百王稽古之學博

不以為過鳴呼為人臣而不以舜武王望其君者不然

賢陛下以舜武王之心為心則是聖德巍魏過於 貴 王矣 千慮之一得庶幾下情得以畢達羣臣無伯益 聖心克巴以來之虚心以受之不憚拾短而 不達大體者究其設心亦願 也干冒天威臣無任惶怖俟罪之至 以取名臣竊謂無是理也欲望陛下照然 如其屈萬雜之等躬日是之勞顧於疏遠之 用 姑以天地之度容之而已是獨言者一身之 際會犯威顏以 無 取 徇 置 召 長 俗 三

帝之心然竊聞太上皇帝建炎之初京東進之草親韶 太上皇帝之本意兼関州所奏專以慶雲見於普安郡 却之盛德煌煌光映簡冊今刀以慶雲見為聖政恐非 奉聖旨降付編類聖政所仰見主上聖孝推美太上皇 及在主上即位前一日為受命之符該佞奉合不識 政與京東芝草相類若受而不却雖不報行其誰 親尚書省割子知閱州品游問奏慶雲見并圖 上二府乞勿受慶雲圖割子於未

飲定四庫全書

渭南文集

有以處此矣干冒鈞嚴不勝恐怖之至 自 以姓名徹左右令者偶有奉奉之愚竊謂相公所 以太上皇帝却芝草故事委曲奏陳主上剛 紛來上却之則自啟其端不却則逐將成俗欲望 項奏記追今累月自顧賤愚不肖無尺寸可以 上二府論都邑劄子 而徒以無益之事上勤省閱實有罪馬故久不 明英

知深恐自此草木之妖気氣之怪緯候之說歌頌之文


當 建 惟主上聖武相公威名震疊殊方足以致此而天下 原他都者吴嘗都武昌梁嘗都荆渚南唐嘗都 時為計必以建康距江不遠故求深固之地然皆成 厭兵勢且好從之矣然其聞江左自吴以來未有 者伏真少留觀覽幸甚幸甚伏聞北敵累書請 權宜本非定都以形勢則不固以飽飾則不便海道 地設山川形勢有不可易者也車駕駐 毀居而復徒甚者遂至於敗已相公以為此何哉 , 輝臨安 洪 出 拾 **·**}}|


欽


定四庫全書

渭南文集

E 逼近凛然常有意外之憂至於識緯俗語則固所 甚竊謂及令當與之約建康臨安皆係駐 蹕之 基立矣其智術淺短不足以議大計然受知之深 不可者矣今不為後且噬臍至於都邑措置當有節 都立國而彼既素聞不自疑沮狂 朝聘或就建康或就臨安如此則我得以問 相公以為然其且有以繼進其說不一二年不 和之後盟誓已立動有拘礙雖欲管繕勢將 超欲借以為辭 睱 2 不論 地 亦 際








古者萬無是理也伏見朝廷項因人言必顯有功 到了 之政治大姓宜詳治小民宜略賦斂之事宜先富室征 之事宜聚大商是之謂至平是之謂至公行之一已 則未嘗少弛張也慶典之行所及至廣貼職以上 一邑治行之一郡則一郡治行之天下而治不速 名行之數年而大臣近侍不得職 職者又比比而有至於鈴曹格法所以尼小 者幾人即臣 官 監 乃

輕復雖何附秦氏得罪者亦在馬至於常調孤遠固

為之道地也运年錢歲雖貧富俱病然富者利源至多 辟官吏貪者點者則公與之為市廣者懦者則又自營 多久維刑憲者今更赦令雖使皆得霑被銓法拘 日得無反為所害乎凡嫁既平人該罪僮奴者皆有司 郡縣之吏不能自立觀望揣摩惟强是畏豪右雖 者惟守田面熟為當恤視郡縣之庭鞭笞流血极 體者皆貧民也吳蜀萬里關征相望富商大賈先期 如是之曠蕩也無乃責大吏反略而責小臣反詳乎 庫全書 清南文集

定四


區之言陛下或以為萬有一可采馬敢併以堅凝為 誅 賞不過歲月治效自見惟在陛下執之重如山嶽 如是謂之平可乎謂之公可乎臣昧死伏望陛下推 遣人懷金錢以路津吏大舸重載通行無苦終更小 金石爾尚御論闢國之說曰兼并易能也堅凝之 至公之道自朝廷始然後下詔戒敢四方而繼之 一獨無并哉凡為政施行之甚易堅凝之甚難臣 進士垂奏蕭然齊糧有限而稽留苛暴略不之



士大夫徒知尊誦其文而未有知其文之妙在於氣高 者顧不厚哉然臣竊謂天下萬事皆當以氣為主軾 下者今陛下獨表而出之豈惟軾死且不朽所以遺 乃克為之嗚呼陛下之言典該也軾死且九十年學

渭南文集

氣吞契丹故能成却敵之功范仲淹氣壓靈夏故西討, 羣臣使之假鉞而董三軍擁節而諭萬里雖得賢厚寫 聚矣而臣猶有憂者正以任重道遠之氣未能盡及 琦富弼文彦博之勲勞唐玠包拯孔道輔之風節 元昊教伏狄青氣偏領海故南征而智高珍減至於 之關富者之博非有他也直以氣勝之耳今天下 以氣為主而己蓋氣勝事則事舉氣勝敵則敵 也方無事時亦何所賴此一旦或有非常陛下擇 、服勇



實之士氣不素養臨事惶遠心動色變則其舉措豈

類 臣 有不能 霆冬伏而春 聞天下有無窮之變而有必然之理惟點觀陰察能 待智者而知之矣今朝 之相繼如寒暑晝夜之必相代也故自金兵勢熾 將 下之變最此即倉卒不可則知者算如雷霆鬼物 理 所慮之變惟一金兵金強敵也深謀 則事變之來雖千態萬狀可以坐制而無虞 测而臣竊以謂是亦有可必知者夫何故寬 作思物 畫隱而夜見則 廷内無權家世臣外 其理之必然 秘 計 雖 無强 其 矣 族 有 紙

晝夜寒暑必相代也且今敵未易料也有無厭之求有 八則有辛已之攻來而敗亡則又有隆興之和今邊 然抱鼓不作逾二十年與紹與通和之歲月略 險之智惟制之以力劫之以威則處能少定今力億 不知其勢終守和約至數十百年而終不變和 康建失之間窮玄極暴則有紹興之和通和 相

又不然則好雄襲而取之耳三者有一馬為拯其得

前知しま

有亂而已其亂不起於骨肉相残則起於權臣專

一 飲定四庫全書 旦有變乃知不足伏望陛下與腹心之臣力圖大計宵 知通和已二十餘年如歲且秋矣而謂衣表為不必備豈不 然臣竊觀士大夫之私論則往往幸敵之懦以為安不 神至兵鋒已交之日使敵果有變大則掃清点代復列 殆哉大抵邊境之備方無事時觀之事事常若有餘 亂以悅其國人且何為哉雖陛下聰明英唇自有所處 H弗急繕修兵備搜拔人才明號令信賞罰常如羽書

聖之等次則平定河洛慰父老之望豈可復如辛己

Ž 差 聪 且蒙陛下省録姓名已二十餘年念無以報天地父 罪 大恩故其陳於陛下者惟懼不盡而不知狂愚之為 對某昨任主管成都府玉局觀將滿陳乞再任蒙思 知嚴州於淳熙十三年七月三日到 不時上勞宵肝死有餘責賴蒙朝廷哀科山郡将 乞 也取進止 祠祠 禄智子 申 F 任 郡 政乖刺 母 雨

胃南文集

卒之際欽兵保江凛然更以宗社為憂邪臣世食君

之民重賜蠲放廣行脈恤上格和氣下安衆心入秋得 調適二麥繼熟民間亦以為所收倍於常年販濟記事 之際痼疾多作欲望鈞慈特賜於問許令復就玉 禄養府故山及天氣尚凉早得就道實為至幸 約吏責某雖去替不遠實緣年齡東邁氣血周耗及 陸種倍收六縣並無流徒人户今春以來雨盼尤為 一殿劄子

臣恭惟陛下躬聖人之資履天子之位而致養三官於

缸


定四庫全書

喜動於色壽皇罷朝而不悅進膳而少味則陛下飲 甘奉輕暖也非晨昏定省冬夏温清也非干門萬户之 於天性音在潛邸及登儲官以來夙夜孜孜何嘗項刻 者責在陛下其可以不深念乎所謂悅親之道非薦旨 憂見於色方是時徒能喜之憂之而已今則致親之悅 臣竊抱惨惨之愚不敢輒默伏惟陛下聖孝純至禀 左右盛事赫弈冠联千古尚何待塵露之增山海哉 以壽皇為心壽皇罷朝而悅進膳而美則陛下於然

有 飲定四庫全書 皇之心而已雞鳴而攬衣辨色而視朝少曰此昔者問 羣臣上萬年之觞豈非天下之大慶不然太史或以災! 也吾其力為其大者乎此固壽皇所望於陛下亦天下 之時也今以萬機之繁不能日朝重華歉然於懷豈 望於陛下也治功已成中外無事陛下時備法傷率 釣天簫韶之樂也惟在陛下得天下之爱戴以寧壽 限極然閥問安之常禮之小也致天下之治孝之大

異上聞四方或以窓盗來告壽皇聞之萬分有一微

豈獨上勞宵旰壽皇亦與馬故陛下今日憂勤恭儉百 於進退人才罷行政事之際率以是為念自三思十 百倍何則彼亦懼憂之及其親也大馬小臣貪於增廣 以交四隣訓子弟備饑饉禦盗賊比之他人自當謹戒 也謀及卜益謀及鄉士謀及庶人不為廣也一有小失 王食陛下雖居萬乗之貴敦與解憂哉臣昧死願陛 於古帝王乃僅可耳譬如臣民之家上有尊親則所 至百思不為過也自一日五六日至於旬日不為



聞詩日上天之載無聲無臭人君與天同德惟當清

臣

心省事澹然虚靜損之又損至於無為大臣不得

好則希合苟容之害息小臣不得而窺所好

則 諂

媚之風止不以從其所好而加賞則檢人伏不以逆

詼諧敗度之言不好則不聞於耳大抵危亂之

而加罪則端士進玩好無益之物不好則

毫之念形於中心雖未當以告人而九州四海已悉向 之矣況發於命令見於事為乎且嗜好之為害不獨越 一邊巧之機芽奸和之罅隙皆縁所好而生臣下雖 偏好而或未至大害者無奉之者也人君則 狗馬官室實玉之類也好儒生而不得真則張禹之 足以為亂階好文士而不責實則章渠年之徒足以 德其他可推而知矣昔者漢文帝及我仁宗皇 不 狱、

钦定四

庫全書一

以為萬世帝王之師者惟無所嗜好而已恭惟

渭南文集

夫學術甲西識慮福沒顧謂王者得位必有以聳動天 静以供之則心虚而明惟重以持之則體大而正無 留神省察實天下幸甚取進止 聴之過無輕舉之失天何言哉舜何為哉後世士大 閒 己無有作好遵正之道天之所以錫神禹也伏惟 王者以一人之身臨制四海人情錯出事變還至 上殿劄子 酉 四 月

飛御極之初天下傾耳拭目之時所當戒者惟嗜

作上則承壽皇之春謨下則盡羣臣之公議及乎議有 慮之表有心者誠服有口者頌戴則所謂靜與重者陛 下於是厭常喜新之論與飾智駭俗之政作衆人之 既得之矣嗚呼 徐而斷之政有當行從而舉之理恆事允出臣下 易爾乃謙恭退託而安静無為沉潛淵 而君子之所深憂也臣伏見陛下自在潛邸以至龍 御守三十年間天下之事何所不習雖日出百令固 郡 間南文集 一邑之長視事之始尚且 黙 而聰 明

飲定四庫全書

智之絕識而不施超越羣倫奚啻萬億而或者方以聳 皇之焚錦繡徳宗之故馴象實陛下之龜鑑也故臣 速能動耳目之觀聴而無至誠惻怛之心以終之 愚忠思有以堅聖心而廣初政昔魏鄭公憂正觀之 漸不克終蘇轍亦謂但如元祐之初足矣若夫進銳 獻此說者寝多雖陛下决不取然臣不勝惓惓爱君 天下為獻此固兒童之見而陛下所不取也竊恐 **眩衆以敏速釣名陛下有天下之利勢而不用有聖** 臣聞天下有定理决不可易者饑必食渴处飲疾必藥 陛下圖事接策不厭於從容行賞議罰無取於快意 日矣犬馬小臣出位安言冒犯天威臣無任 就業業常如此三月之間則成康文景之盛復見於

暑必爱宣容以他物易之也哉臣代觀今日之患莫大

於民質敢民之貧莫先於輕賦若賦不加輕别求他行

用力雖多然必無益立法雖備終必不行以臣愚計

欽定四·庫全書

*四文集

之朝廷若未有深入遠討韓庭掃穴之意能於用度之 之警何處國用之不足邪該使四海弗實侵犯王 、宗皇帝宵旰焦勞每欲俟小定而悉除之故詔令上 炎紹興戡定變亂之日一切賦 事事裁損陛下又躬節儉以屬風俗則賦於民者 謂率其子第攻其父母直可舞干羽而格之爾頃 如是則和氣浹冷必無水旱之災職聲洋溢必無盗 可輕之理緩急之備固不可無姑以歲月徐為之 斂有非承平之舊 者

量用而取可蠲者蠲可省者省富藏於民何異府庫 屬國家多故 告天下日惟八世祖宗之澤豈汝能忘顧 聖慈恢大度明遠略記輔 一聖帝臨 民誦斯詔至於感泣雖傾貲以助軍與而不敢爱於 '非予獲已止俟捍防之隙首圖蠲省之宜臣幼 也則陛下今日豈可不以為先務哉臣昧死欲望 御 強敵畔盟雖所蠲已多終未仰稱聖意 いく 來所以節用裕民者皆繼承高宗蠲省 **巻** 四文集 臣計司博盡論議量入 而

定四庫全書|

困弊何時而已和漬犯天威罪當萬死惟陛下裁於 也雖恢復中原又將曰邊境日廣矣屯成日衆矣則斯民 伏見真宗皇帝至道三年冬修太宗實録至明年成 除修史上殿劄子

元年八月而畢甫九閱月修書者錢若水柴成務宗

之時既竭其財矣幸而無事又日儲積以為他日之

備

有非常孰不樂輸以報君父為肌次髓之思哉若有事

李宗諤四人而已臣竊考之太祖討澤路取揚州平 年六月而畢亦南九閱月修書者王元之梁灏趙安 度吳淵楊億五人而已書成又記重修太祖實錄至 守飽飾功罪點防之事可謂彩矣至於制禮作樂 蜀定荆楚下五嶺太宗撫有吴越蕩定汾晉用師 治歷修廢官舉墜典革五季之弊復漢唐之盛側席 罪夏臺皆大舉動業廣事養議論煩委兵機我政

飲定四庫全書 人

卷四支集

治可謂勤矣宜其摹寫日月形容造化雖累歲不成

誠未見其為速也臣乞身累年忽蒙聖思起之山澤 之遠重編累牘如水赴海源源而集然後以耳目所 而奏書之速不淹三時上足以慰養牆之思下足以 随碑行述之 該解以衆論 天下之公去一家之私而史成矣九閱月而奏書 上則中書客院下則百司無府以至四方萬里 令重刑賞必尊君體國之俗成凡史官紬繹之所 紳之望非獨此數人者畢精竭思之力也意者當 所存刑野史小說之謬妄 郡 按

蒙族展之知爰錫弓雄之名濫司汗簡權長優達曾未 意可謂重矣然臣之愚慮有欲陳者未敢遽以仰濟天 飲定四庫全書 人 曠職守負聖知則窟殛之刑所不敢避取進止 陳請擇其可者出自朝廷王張施行如臣不能自 使與聞大典既不累以他職又特寬其朝謁責委之 輕冒重誅仰干洪造伏念臣生逢千載仕歷四朝 而略具種緊於前欲乞聖慈明記大臣侯臣供職 乞致仕割子 展 四文集 力

成書獲經春覽時則可矣敢少緩於控陳天實臨之塩 近緣實録院進書已畢具奏乞守本官職依前致仕 從於怨款伏望聖慈許臣守本官職依前致仕

幾時亟蹄近列雖願輸於塵露顧已迫於桑榆記問荒

疎文辭哀退重負夜行之責難貪畫接之祭又況與奏

年哀步蹇弗支髮存無幾出入總行之內惕然有配於

准尚書省劉子奉聖古不允者伏念臣學縁病廢志與

臣縣傾愚怨仰達聖聰伏念衰額餘龄己開九秩遭鋒 晚蒙陛下之異知期歲强顏秋毫無補及歷乞身之請 盛際遠事四朝權寡周行初出高皇之獨斷進登法 更蒙優老之除久此切塵豈勝危懼雖天地之思未報 初心十具為犍真獲安於故里伏望聖慈特賜開 渭南文集

面顏追參豹尾之間觀者亦為之指目豈容冒昧久竊

禁敢干咫尺之威溶貢再三之請萬籤黃卷帳已負

